



सा:गु भिंगु मरिचरिया नितिं
लुमंका दिसं !

लक्ष्मण गमाल 'विलांमि'
प्रोप्राइटर



लाखा छें
LAKHA CHHEN

सोह्रखुटे, वडा नं. १६, थें, फोन नं.: ४३६०७५८

थुकि दुने



आ: नं जेबी दुहरे अन्यायलय्
लानाच्वंगु दनि
दिलिप शाही 'शान्तियज्जु' - २



चथा: पूजा यायेबलय् चन्द्रमा
स्वस्व पुजा यायेगु ख हे मखु
धनेशराज राजोपाध्याय - ३

नेपाल भाषा साहित्य क्षेत्रया थीगु
छा: नक्षत्रया अवशान
रुक्मिणी श्रेष्ठ - ४

कोरोना खना: म्या:पिं छ:पिं
राजा शाक्य - ५

यैंया:या सव:भकु व ख्वा:पा:
दयेकीम्ह तेजबहादुरया बाखं
नृपेन्द्रलाल श्रेष्ठ - ६

स्वबासी/बेनिसा, विर्ता, छुट जग्गा दर्ता अन्योलय् आयोग व मन्त्रालय दथुइ ल्वापु

लहना संवाददाता

यल हरिसिद्धिया रैथाने धर्म
महर्जनया स्वबासी पुस्तौं न्ह्य:निसें
चवनाव:गु छेंबुं ४ आना १ पैसा दु।
साविक ९ वडा २६ कित्ता जग्गाय्
वय्क:या मौलिक शैलीया छें दु।
वय्क:या छेंया २०२१ सालय् नापी
जग्गु इलय् फिलडबुक दु। मालपोत,
बिजुली, खानेपानीया महसुल पगु रसिद
नं दु तर, सरकारं स्वबासी जग्गा दर्ता
मचाय्कूबलय् दक्कं दसि दया: नं
वय्कलं लालपूर्जा काय्मखनि। पूर्जा
मदुबलय् न दाजकिजाया अंशवन्दा
याय्जिल, न बैकय् धितो तय् हे।
मीगु वा कित्ता याय् नं मजिल।
पुस्तौनिसें भोगचलन यानाव:गु तर,
दर्ता मचा:गु हुनिं लालपूर्जाबिहिन
जग्गु अवस्थाया थ्व ला प्रतिनिधि पात्र
जक ख:। सरकारं बेनिसा, स्वबासी,
विर्ता व छुट जग्गाया दर्ता ता: इलनिसें
बन्द यानात:बलय् स्वनिग:लिसें
काभ्रेया पलाँति, भापाया लखनपुर,
कास्कीया पोखरा लेखनाथ, पाल्पाया
रामपुर, तनहुँया दुलेगौडा, सुर्खेतया
कोटमाभखर्क, महोत्तरीया बुटवललिसें
देय्न्क पुस्तौनिसें चवनाव:गु बस्तीया

मन्त्रालयया अधिकारी धा:सा बेनिस/स्वबासी
जग्गा दर्ता याय्जु जिम्मेवारी नं आयोगया हे जग्गु
धयादिल। आयोगया ज्या कर्तव्य अधिकारय्
स्पष्ट व्यवस्था मदुसां भूमि सम्बन्धि समस्या
समाधान आयोग गठन आदेश, ०७६ या दफा २६
य् बिर्ता उन्मूलन, जग्गा नापजाँच, मालपोत ऐनं
अधिकार प्रत्यायोजन या:गु मन्त्रालयया धापू दु।

बासीन्दा बामय् कानाच्वंगु दु।

मालपोत विभागया कथं
छुट जग्गा २०६८, विर्ता २०५९
व स्वबासी/बेनिसा जग्गा भुखाय्
पिडितयात लक्षित याना: २०७३
य् खुलाया लागिं चाय्केधुंका: दर्ता
बन्द दु। जग्गा दर्ता बन्द जूबलय्
सर्वसाधारण मारय् लातं नं न त भूमि
व्यवस्था मन्त्रालयं च्यूता: बिल, न त
भूमि सम्बन्धि समस्या समाधान आयोगं
हे। निगुं निकाय थुकथंया जग्गा दर्ता
याय्जु अधिकार छम्हं मेहेसित क्याना:
लिचिलाव:गु दु।

'मन्त्रालयं आयोगयात मुलत
सुकुम्बासी व अव्यवस्थित जग्गा
व्यवस्थापनया जक जिम्मेवारी ब्यूगु

दु। स्वबासी/बेनिसा थुज्व:गु जग्गा
दर्ताबारे स्पष्ट अधिकार क्व:छिनाब्यूगु
मदु' आयोगया पदाधिकारी धयादिल।

मन्त्रालयया अधिकारी धा:सा
बेनिस/स्वबासी जग्गा दर्ता याय्जु
जिम्मेवारी नं आयोगया हे जग्गु
धयादिल। आयोगया ज्या कर्तव्य
अधिकारय् स्पष्ट व्यवस्था मदुसां
भूमि सम्बन्धि समस्या समाधान
आयोग गठन आदेश, ०७६ या दफा
२६ य् बिर्ता उन्मूलन, जग्गा नापजाँच,
मालपोत ऐनं अधिकार प्रत्यायोजन
या:गु मन्त्रालयया धापू दु।

हरिसिद्धिया स्थानीय अधिवक्ता
अष्टकुमारी महर्जनया धापू कथं
दर्ता चाय्केगु/मचाय्केगुबारे

सरकारया स्वयां नं हाउजिड, प्लानिड
याइगु तत:धुंका: व्यापारी व भूमाफियाया
निर्णय कथं जुइगु जग्गुलिं समस्या व:गु
ख:। 'दर्ता मचा:बलय् राज्ययात
राजश्व दुहांवया: देय्ना अर्थतन्त्र
बल्लाकेत ग्वहालि जुइ' तर, थुखेपाखे
सरकारया ध्यान वनेमफुनि' महर्जनया
धापू दु।

०७६ चैतय् भूमि सम्बन्धी
समस्या समाधान आयोग गठन
जुल। व धुंका: न आयोगं यात न त
मन्त्रालयं हे। प्रधानमन्त्री शेरबहादुर
या:गु आयोग खारेज सर्वोच्च तत्काल
मयाय् अन्तरिम आदेश ब्यूगु दु।
अन्तरिम आदेश ब्यूसां आयोगयात
ज्या याइम्ह अधिकारी धा:सा मब्यू।
'आयोगयात अधिकार प्रत्यायोजन
या:सां बेनिसा, स्वबासी, छुट व बिर्ता
जग्गा सुकुम्बासी वा अव्यवस्थित
बसोबास अर्न्तगत व्याख्या याना:
दर्ता याय्मा:गु बाध्यता दु। थ्व
अर्न्तगत व्याख्या याना: दर्ता या:बलय्
निवेदकं दर्ता याय्त्यंगु बाहेक मेगु
सम्पत्ती नं स्वाना: न्युनतम ८ निसें २
सय प्रतिशततक्क राज्ययात राजश्व
पुलेमा:' भूमि सम्बन्धि समस्या
त्यं ७ पेजय्

भाषासम्बन्धी प्रतिवेदन प्रधानमन्त्री शेरबहादुर देउवायात ल:ल्हात



सुरेन्द्रभक्त श्रेष्ठ

भाषा आयोगं प्रदेश दुने
दुगु थीथी भाषायात सरकारी
कामकाजया भाषाया लागि सिफारिस
या:गु दु। आयोगया अध्यक्ष
डा. लवदेव अवस्थी प्रधानमन्त्री
शेरबहादुर देउवायात सरकारी

कामकाजया भाषासम्बन्धी प्रतिवेदन
ल:ल्हा:गु ख:। २०७३ भदौ २३
गते गठन जग्गु आयोगं न्यादैया दुने
सरकारी कामकाजया भाषा सिफारिस
याय् मुख्य कार्यदेश वंगु ख:।

आयोगं प्रदेश १ य् मैथिली व
लिम्बु भाषायात सरकारी कामकाजया
त्यं ७ पेजय्



सम्पादकीय



सुरक्षायात ध्यानय् तथा: यँया: हने, यँया:या भिन्तुना

क्वा: छगू न्यने, सत्ताय् थ्यनकि पास याय् थें, प्रतिपक्षय् च्वनकि विरोध याय् थें, व छु ख: ? लिस: बियादिसँ। जिं स्वय् थ्व क्वा:या लिस: उलि थाकूगु मखु, न्ह्याम्हेसिनं नं याउँक हे धयाबी। सत्ताय् च्वनकि व हे खँ पाय्छि खनीगु, प्रतिपक्षय् च्वनकि व हे गलत खनीगु ला नेपा:या राजनीतिक पार्टीतय्गु ल्वय् हे जुल। आ: स्वयादिसँ ले, न्हापा दल विभाजन सम्बन्धि अध्यादेश ओली नेतृत्वया सरकारं हय्तीबलय् थ्व हे काँग्रेस पार्टी मखुला, विरोध या:गु ? आ: थ्व हे काँग्रेस नेतृत्वया सरकारं हे दल विभाजन सम्बन्धि अध्यादेश हया: माधव कुमार नेपालयात एमालें बायावया: नेकपा एकिकृत समाजवादी अले महन्थ ठाकुरयात जनता समाजवादी पार्टी ब्याग: जुयावया: लोकतान्त्रिक समाजवादी पार्टी (लोसपा) गठन याय्त लँ चाय्काबिल। आ: थुगु अध्यादेशयात हाकनं निस्क्रीय याइगु हुइनाभुइना दु। आ: निस्क्रीय या:सां जि हे जिल नि। नेकपा एस व लोसपा गठन जुइमा:गु जु हे जुल, आ: उगु पार्टी सरकारय् दुहां वय् नं जि हे जिल। ज्या सिधय् हे धुंकल, अध्यादेश निस्क्रीय जुलं छु पात ? न्हापा थ्व हे काँग्रेसलिसेंया तत्कालीन विपक्षी दलं संसद विघटनया विरोध या:गु ख: नि। संसदपाखें याय्मा:गु ज्या, अध्यादेश हया: छाया याना: धका: स: तस: या:गु मखुला। आ: हाकनं थ्व हे पार्टी संसदया बजेट अधिवेशन अन्त्य याना: अध्यादेश हया: ज्या यानाच्चन। धाय्बलय् न्हापा ओली नेतृत्वया सरकार व आ: देउवा नेतृत्वया सरकारय् पा:गु छु ले ?

पा:गु ला खास छुं हे मखुत, खाली ख्वा:या उं व नां जक पात। आ: न्हाच:या क्वा:या लिस:पाखे वने। खय्तला छिं उकिया लिस: बिचा: नं यानादीधुंकल जुइ। अले छिगु बिचा: शतप्रतिशत पाय्छि हे ख: धइगु जिं स्यू। ख:, पक्कां हे ख:, सत्ताय् थ्यनकि पास याय्मास्ते वइगु, प्रतिपक्षय् थ्यनकि राष्ट्रवाद दासि वया: विरोध याय् मास्ते वइगु व हे ख:, एमसीसी अर्थात अमेरिकाया विकासे परियोजना मिलिनियम च्यालेन्ज कर्पोरेशन। च्वय् धयाकथं भतीचा मजू धा:सां ज्यू। छायाकि नेपाली काँग्रेस पार्टी ला एमसीसीया गबलें विरोध या:गु हे म्दु। न्हापा शेरबहादुर देउवा प्रधानमन्त्री जुयाच्चंबलय् हे एमसीसी सम्भौता जूगु ख:। आ: थ:गु हे पालय् जूगु सम्भौता थम्हं हे छु विरोध याइ। तर थ्वयां न्ह्य: प्रतिपक्षय् दुगु मेमेगु पार्टीतय्सं न्हापा ला एमसीसीया विरोधय् स: तत:स: या:गु ख:। आ: वय्क:पिनिगु स: सुत थें च्वं। एमसीसीया विरोध उलि ताय्मदु।

एमसीसीया विरोध याय्मा: कि मा:, एमसीसी सम्भौता संसदं पारित जुइ ज्यू कि मज्यू थुकियात लिपा हाकनं दुवाले। तर थन ल्हवनेत स्वयागु विषय मेगु हे ख:। नेपा:या राजनीतिक दलतय्सं, नेतातय्सं नेपा:मि जनतायात धात्यें मुख्र हे ताय्कूगु खत ला ? व हे खँय् गबलें विरोध यात, गबलें समर्थन यात। अले भी जनता नं उलि हे ल्व: नि। थम्हं समर्थन यानाम्ह नेता वा पार्टी धा:गु खँ जुल कि मिखा तिरिसिना: ब्वाँय् जुइ नि भी नं। मिखा चाय्केगु मखुला आ: ?

आ: नं जेबी टुहुरे अन्यायलय् लानाच्चंगु दनि



दिलिप शाही “शावित्यज्जु”

नेपा:या राजनीतिइ लेखक, कलाकार, गीतकार अले संगीतकारया नं उलि हे भूमिका दु गुलि राजनीतिक नेतृत्वया दु। राजनीतिक नेतृत्वयात थौंया अवस्थाय् थ्यंकेगु नितिं उकथंया लेखक, कलाकार व गीतकारपिन्सं भूमिका भिन्नतय्गुयात कया: आ:तक मूल्यांकन याय्गु ज्या धा:सा जुयाच्चंगु म्दु। पञ्चायती कालय् राजनीति याय्गु धयागु ख्या: खँ मखु। उगु इलय् देशय् आपालं धयाथें पार्टीतय्सं खुल्ला रुपं राजनीति याय्गु कल्पना तर्क याय् मफ्याच्चंगु ई ख:। पञ्चायत विरुद्ध छुं छस: जक थ्वय्कल धा:सां जेलनेलया सजाय फय्मा:गु अवस्थाय् नं देशय् ह्युपा: हय्मा: धका: न्ह्यज्यनाच्चपिं राजनीतिक नेतातय् नितिं कार्यकर्ताया आवश्यकता जुयाच्चनी। अले अज्या:पिं कार्यकर्ता उत्पादन याय्गु ज्या याइ। राजनीतिक रुपं ब्वलंगु म्ये व संगीतं।

पञ्चायत कालय् भूमिगत रुपं जूसां थीथी गाम्ये जुइगु अज्या:गु सांस्कृतिक माहोलं आम जनतायात शोषण, उत्पीडन व देय्या राजनीतिक अवस्थाया बारे जानकारी बीगु ज्या यानाच्चंगु जक मखसें जनकलाकारया शक्तिया बलं आपालं ल्याय्महत तत्कालीन इलय् देय्या राजनीतिइ कुहां वनीगु स्वभाविक ख:।

उकथं तत्कालीन मालेकालीन इलय् राजनीतिक रुपं जनतायात चेतना थनेगु ज्याय् न्ह्यज्या:मह छम्ह सांगीतिक कलाकार ख: जेबी टुहुरे। वास्तवय् वय्क:या पूर्वगु नां जुठबहादुर खड्गी ख:। २००१ कार्तिक १५ गते धरानय् जूम्ह वय्क: कृष्णबहादुर खड्गी व दानदेवी खड्गीया त:धिक:मह काय् ख:। मध्यम वर्गीय परिवारय् जन्म जूम्ह वय्कलं स्कुलया औपचारिक शिक्षा धा:सा काय् मखं। उकिया मू कारण ख: अबुया न्हापा वस: मीगु ज्या याइगु। वस: मीत गबलें गन वनेमा: गलबें गन। अथेजुया: छगू हे थासय् थातं च्वनेगु धइगु उगु ईया व्यापारीतय् त:धंगु समस्या। सामान ज्वना: वनेबलय् गबलय् गन थ्यनी धाय्फइगु अवस्था मखु। उगु ई आ: थें सवारी साधनया व्यवस्था दुगु ई नं मखु। सलयात सामान कुबुइका: गां गां चाहिलेगु चलन ख:। अथे जुया: वय्कलं औपचारिक शिक्षा काय्मखंगु खँ थ:गु आपालं अन्तर्वार्ताय् नं धयादीगु दु। २०२१ सालय् वय्क:या अबु मदय्वं वय्कलं थ:त टुहुरे खंकादिल। अथेजुया: वय्कलं थ:गु नांया ल्यूने टुहुरे तय्गु यानादिल।

वय्क:या मचाबलय्निसेंया छगू सोख प्याखं हुलेगु अले म्ये हालेगु नं ख:। थ्वहे सोखं याना: वय्क: २०१० सालनिसें औपचारिक रुपं सांगीतिक

क्षेत्रय् ला:वन सा २०२० सालं धा:सा वय्कलं मुक्कं कम्युनिष्ट विचारधारा लिसे स्वापू दुगु म्ये हालेगु यानादिल। अथे ला थ्व स्वयां न्हापा वय्कलं थीथी कथंया म्येय् थ:गु स: मब्यूगु मखु। तर गुबलय् वय्क:याके राजनीतिक चेतना ब्वलन, वय्कलं अप्व: धयाथें शोषित पीडित जनताया म्येय् थ:गु स: थ्वय्कादिल। जनताया म्ये, विद्रोहया म्ये हालीगु कारणं याना: हे वय्कलं त:क्व: हे जेलजीवन नं हनेमाल।

ज्याइव:पाखें मेचीनिसें महाकालीतक यात्रा यानादिल। तर लिपांगु इलय् वया: धा:सा वय्कलं एमालेय् तुं च्वनाच्चनेगु उचित मताय्कल। उकीया मू कारण धइगु एमालें वय्क:या योगदानयात कदर मया:गुलिं हे ख:। निश्चित ख:, छम्ह स्वाभिमानी गायकयात गुगु पार्टीया नितिं थम्हं जीवनभर लगानी याना, अन हे कदर मजुल धा:सा अन च्वनाच्चनेगु उचित मताय्फु। सायद वय्कलं नं अज्या:गु हे महसुस यानादिल जुइमा:।



पञ्चायती कालय् आन्दोलनया नितिं न्हयाय्त ला जनताया साथ दइगु स्वभाविक ख:। तर उगु इलय् पार्टीतय्गु छगू समस्या धइगु आर्थिक समस्या ख:। उगु इलय् जनवादी गायक टुहुरेयात नं आर्थिक अभाव मज्गु पक्कां मखु। थ:गु आर्थिक अभाव पूर्वकेत काप: पस: तय्गुया लिसें तरकारी मीगु, किताव पस: तय्गु व होटेल तर्क चले यानादिल।

वय्कलं हालादीगु आपालं जनवादी म्ये उलि हे चर्चित जूगु दु। उकि मध्ये ‘आमा दिदी बहिनी हो, कति बस्छौ दासी भई, सुखको सधैं प्यासी बनेर’ म्ये तर्कसं हे चर्चित म्ये ख:। वय्कलं थुगु म्ये हालीबलय् आपालं दर्शकतय्सं हुटिड याइगु जक मखसें थ:पिं हे प्याखं हुलेत तर्क याइ। थ्व छगू वय्क:या बिस्कं सफलता ख:। अथे ला वय्कलं थीथी चर्चित म्हे हालादीगु दु, गथे कि ‘बसाईं हिँड्न ताँतीले, चौरी चर्ने ठाउँ, दु:खको भोज, रातको अनिद्रा’।

पञ्चायती कालय् आन्दोलनया नितिं न्हयाय्त ला जनताया साथ दइगु स्वभाविक ख:। तर उगु इलय् पार्टीतय्गु छगू समस्या धइगु आर्थिक समस्या ख:। उगु इलय् जनवादी गायक टुहुरेयात नं आर्थिक अभाव मज्गु पक्कां मखु। थ:गु आर्थिक अभाव पूर्वकेत काप: पस: तय्गुया लिसें तरकारी मीगु, किताव पस: तय्गु व होटेल तर्क चले यानादिल। तर छुं नं व्यवसायलय् वय्क: थ:गु जीवन निर्वाह याय्त सफल धा:सा जुइ मफुत।

निरन्तर न्युदै तर्क वय्कलं थ:गु राजनीतिक जीवनएमालेयातबियादिल। उकथं हे पञ्चायतकालया अवसान लिपा बहुदलीय व्यवस्था स्थापना जुइधुंका: नं वय्कलं एमालेया जनमत खाकेगु नितिं देय्न्कं हे राजनीतिक जागरणया म्ये हालादिल। २०४६ साल लिपा एमालेयात जनताया दथुइ स्थापित याय्त त:धंगु योगदान बियादिल। उगु इलय् वय्कलं देय्न्कं हे संकल्प गीति

लिपांगु इलय् वय्क: एमाले त्व:ता: माओवादी दुहांभाल। सायद वय्क: छम्ह नेवा:या काय्मचा जूगुलिं नं एमालें वय्क:या योगदानयात कदर मया:गु ख:ला ? वय्क:याके एमालेया पुलापिं पासापिंप्रति छगू गुनासो दु, व ख: सत्ताय् थ्यनेवं पासापिं हिले य: खनी, जनता धा:सा न्ह्याबलें अन्यायलय् लानाच्चनंगु दु। एमालेपाखें दु:खी जुया: वय्क: २०६६ सालय् माओवादीइ दुहांभाल व निक्व:गु संविधानसभाय् वय्क: संविधानसभा दुज: नं जुयादिल।

आ: नं आपालं जेबी टुहुरेपिं अन्यायलय् लानाच्चंगु दु। अभ्र नं नेपा:यात स्वर्ग दय्के धका: म्हागस म्हंकूपिं गुलिखे नेता कार्यकर्ताया हविगत स्वय्गु ख:सा टुहुरे गुगु वर्गया म्हागस म्हंकूगु ख:, उगु वर्ग अन हे तुं दनि। बस ह्युगु दुसा व्यवस्था ह्युगु दु, तत्कालीन व्यवस्थाया विरुद्ध विद्रोहया नारा थ्वय्कूपिं नेतात ह्युगु दु। आम शोषित पीडित जनताया अवस्था आ: नं छुं कथं नं ह्युगु म्दु। जीवनभर थ:त जनताया नितिं प्याना वयाच्चम्ह वय्कलं वंगु भदौ १० गते थ्व संसार त्याग यानादिल। ख:, नेपालय् कम्युनिष्ट आन्दोलनयात स्थापित याय्गुलिइ आपालं नेवा:तय्गु त:धंगु योगदान दु। उगु हे योगदानया छगू दसु जेबी टुहुरे नं ख:। तर थ:त कम्युनिष्ट नेता धा:पिन्सं अभ्र नं जेबी टुहुरे थेंज्या:पिं जनताया मन मनय् च्वनाच्चपिंत गुलि तर्क कदर याइ ख: स्वय्गु ल्यं हे दनि।

चवमिपिन्त इनाप

लहना वा:पतिइ लेख, रचना, रिपोर्ट व समाचार छ्वयादीफइ। छिक्पिंसं छ्वयादीगुयात थुगु वा:पतिइ थाय् बियाच्च्वना। पिदगु च्वसुयात उचित पारिश्रमिक बीगु नं मुचं बियाच्च्वना।

लहना वा:पि

मोछें, यें

lahana.news@gmail.com

चथाः पूजा यायेबलय् चन्द्रमा स्वस्वं पूजा यायेगु ख हे मखु



धनेशराज राजोपाध्याय
तिबुक्छें, रत्नप

गुलिनं ज्या न्ह्याके न्ह्यः बाय् न्ह्यागु नं पर्वपूजा न्ह्याके न्ह्यः, न्हापांगु पूजा कथं गणेशःया पूजा यानाः जक मेमेगु पुजा न्ह्याकेगु शास्त्रीय मान्यता दु। व हे कथं सनातनसिं थःथःगु कुलाचार्य छ्यलावच्चंगु दु। छु कथंया युध्दय् वने न्ह्यः थजुइमा बाय् छु कथंया वैदिक ज्या याय् न्ह्यः विघ्नहर्ता गणेशःया न्हापांगु पुजा यायेगु आःतक नं न्ह्याना वयाच्चंगु दनि। अथेजुयाः छु नं ज्याया न्हापांगु पलाः छीगु वा न्ह्याकेगुयात श्रीगणेश यायेगु धाइ। व हे भगवान श्रीगणेशया हे आराधना जक दक्क ज्या छु नं कथंया मधिं मजुइक पंगः मवयक पूवनीगु विश्वास यानाः भीसं व हे न्हापाम्ह आराध्यदेवया आराधना धुंकाः थम्हं यायेत्यनागु ज्यात सम्पादन वयाच्चनागु खः। व हे विघ्नहर्ता भगवान श्रीगणेशया सुदृष्टि दक्क ज्या सुथां लाइ। गणेशःया सुदृष्टि मलात धाःसा छु जुइ धइगु खं भीगु कल्पनां पिने लाइ। थथे प्रथम पुजा छाय् यायेमाःगु धैगु ला भी फुक्कसिनं दैय् छक्कः श्रीस्वस्थानी परमेश्वरीया बाखं कनाः, न्यनां थुइका वयाच्चनागु हे खः।

भी नेवाःत वैदिक व तान्त्रिक विधिं बाय् नितानि विधि नालाः पर्वपूजा याना वयाच्चनार्पिं खः। भीगु सनातनी परम्पराय् तन्त्र विधानकथं भाद्र शुक्ल चतुर्थीकुन्हुया श्रीगणेश पूजायात मोहनिया ब्वनापूजा धकाः नं धाइ। उकिं मोहनी तःजिक उल्लासमय लकसय् पूवनेमा धका मर्नतुना हनीगु चथाःपूजा बाय् गणेश चतुर्थीयात नं तन्त्रविधिकथं थःगु परम्परा न्ह्याका, म्वाका वयाच्चनार्पिं खः। मोहनि पूजा दिवाकालिन पूजा जूसां नं मोहनब्वना पूजा कथं याना वयाच्चनागु चथाःपूजा धाःसा सन्ध्या/ रात्रिकालिन पूजा खः। छाय् निभाः बिकाः छ्युंकाः खिचां



द्वापर युगाय् वयाः चथाःकुन्हु श्रीकृष्ण भगवानं भूलबस चन्द्र दर्शन याये लाकल। सराः ला फये हे माल। चन्द्र दर्शन दोषया हुनिं श्रीकृष्ण भगवानयात स्यमन्तकमणि खुँपाः लात अले प्रसेन हत्याया मिथ्या दोष न कुबीमाल। व अभियोगं मुक्त जुइत श्रीकृष्ण भगवानं श्रीगणेशया क्षमा पूजा यात। अनलि उग्रिमय् हे श्रीकृष्ण भगवानयात नितानि दोषं मुक्ति प्राप्त जुल। उबलय्निसें चन्द्र दर्शन दोष निवारणया क्षमा पूजाकथं भाद्र शुक्ल चतुर्थीया सनिलय् बाय् बहनी चथाः पूजा यायेगु चलन आःतक नं मदिवक न्ह्याना हे च्वंगु दनि।

उइकाः जक याइले सा ? छाय् चथाः पूजायात 'चन्द्र दर्शन दोष निवारण पूजा' नं धाइ ? थ्व नितानि न्ह्यसःया लिसः छगू हे घटनाप स्वापू दु। गणेश पुराणय् वर्णन जुयाच्चंगु कथं तेत्तीस कोटी देवतामध्ये दकलय् सुन्दरम्ह द्यः धकाः चन्द्रमायात धयातःगु दु। छन्हुया दिनस चन्द्रमां गणेशःया छ्यंयात कयाः वसपोलयात हायेकल। गणेशः तम्बयाः चन्द्रमायात सराः बिल - 'छंगु सुन्दरताया गुमानं

जितः छं हायेकल। व हे छंगु सुन्दर रूप गुम्हेसिनं खनी वइत मिथ्या खुँ दोष लायेमाल।' थथे सराः ब्युसानिसें सुनां नं चन्द्रदेवया दर्शन मयात। दुःखी जुयाः चन्द्रमां गणेशःया आराधना यानाः क्षमा फवन। गणेशः प्रशन्न जुयाःलि चन्द्रमां गणेशःया कृपा प्राप्त यात। अले गणेशवं धाल कि - 'जिं बियागु सराः मदयेके ला फइमखुत। बरु म्त्वः धाःसा यायेफइ।' थथे धयाः थम्हं चन्द्रमायात बियागु सराः

आंशिक रूपय् जक ल्यंका बिल। ' भाद्र शुक्ल चतुर्थीकुन्हु गुम्हेसिनं चन्द्र दर्शन याइ, वयात जक मिथ्या खुँपाःया दोष लाइ।' अथे सराःया ईयात क्वपालाब्युसानिसें उकुन्हु छन्हु चन्द्र दर्शन दोषपूर्ण जुइगु व चन्द्र दर्शन याइम्हेसित मिथ्या आरोप लाइगु व शंकट नं वइगु जुल। उबलय्निसें भाद्र शुक्ल चतुर्थी (चथाः) कुन्हु चन्द्र दर्शन मयायेगु चलन जुयाबिल।

द्वापर युगय् वयाः चथाःकुन्हु

श्रीकृष्ण भगवानं भूलबस चन्द्र दर्शन यायेलाकल। सराः ला फये हे माल। चन्द्र दर्शन दोषया हुनिं श्रीकृष्ण भगवानयात स्यमन्तकमणि खुँपाः लात अले प्रसेन हत्याया मिथ्या दोष न कुबीमाल। व अभियोगं मुक्त जुइत श्रीकृष्ण भगवानं श्रीगणेशया क्षमा पूजा यात। अनलि उग्रिमय् हे श्रीकृष्ण भगवानयात नितानि दोषं मुक्ति प्राप्त जुल। उबलय्निसें चन्द्र दर्शन दोष निवारणया क्षमा पूजाकथं भाद्र शुक्ल चतुर्थीया सनिलय् बाय् बहनी चथाः पूजा यायेगु चलन आःतक नं मदिवक न्ह्याना हे च्वंगु दनि।

चथाः पूजा मोहनिया श्रीगणेश जुइगु पर्वपूजा खः। थुकी विशेष यानाः खुता बीबः लड्डुया भावय् छाइ। चथाः गथे जुल मोहनि नं अथे हे जुइ धइगु विश्वास दु। चथाःबलय् वा वःसा मोहनबलय् नं वा वइ धकाः धाइ। थुगुसी गुप्ति छन्हु न्ह्यःनिसें मदिवक वा वयाच्चंगु दु। सायद चथाःकुन्हु नं वा वल धाःसा मोहनबलय् नं वा वइगु जुइ।

चन्द्र दर्शन दोष मुक्तिया नीतिं पूजा याइम्ह गणेशःया नां हेरम्ब खः। न्यागः छ्यंसहितया स्वाःपाः, छ्यनय् चन्द्रमा, सुर्घःया थें तेज दुम्ह, मनु छ्यंया माः (नरमुण्डमाला) क्वखायातःम्ह, मत्तु पुयाः सर्पमाः क्वखायातःम्ह, ह्यौउगु वर्णयाम्ह, सिंह गयाच्चम्ह भिपा ल्हाः दुम्ह उम्ह गणेशःयात हेरम्ब कथं म्हीसियाच्चन। जवपाखेया ल्हातिइ लै, पलेस्वां, अंकुश, डबडबका अलय् अभय मुद्राय् च्वनाच्चंगु दु। खवपाखेया ल्हातिइ पा, पाश, खट्वांग, लड्डु व वसुद्रा नापं ऋद्धि-सिद्धि शक्ति जक्खं फ्यतुकातःम्ह, अज्याःम्ह गणनायक हेरम्बयात जिं लुमंका धकाः आराधना यानाः पूजा न्ह्याइ। थथे पूजा यायेबलय् माय्, मू, जाकि, पःका, तुय्गु हाम्वः फुक्क नच्चुक निनां चाकु तथाः लड्डु दयेकाः छाइ। बःसिपु नं सियाः छाइ। नीछ्पु सिपु व समीपत्र नं छयेमाः।

गुलिसिनं अस्ताचल पर्वतपाखे तुइजलां थीगु चन्द्रमा स्वस्वं श्रीगणेशया पूजा (चथाः पूजा) यायेगु दस्तुर नं जुयाच्चंगु खनेदु। थ्व भ्रमयात चीकेमाः। चथाः पूजा यायेबलय् चन्द्रमा स्वस्वं पूजा यायेगु ख हे मखु। चथाः पूजा यायेधुंकाः चन्द्र दर्शन जूसां मिथ्या दोष लाइमखु। चथाःकुन्हु चन्द्र दर्शन जुइ न्ह्यः हे चथाः पूजा याये। चथाःद्यः मजुइ, शुभमङ्गलम्।

(क) व्यापारी त्यासा
(ख) हायरपचेज त्यासा
(ग) आवासीय त्यासा



(घ) शेयर त्यासा
(ङ) मुहृती रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछें, पाको, न्हूसतक, यें, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

कोरोना खना: ग्या:पिं घ:पिं



राजा शाक्य

जिं पूर्ण वैद्ययात (पूर्ण दाइ) दक्के न्हापां खंगु धयागु हे १०८२ दैय् विराट नेपालभाषा साहित्य सम्मेलनय् खः । व मुँज्या खवपया नासमना त्वालय् जूगु । मुँज्या दबू न्ह्यःनेसं सम्मेलन स्वःवःपिं छिंक च्वनेत प्यकुंमकुं लाःगु तक्कु दबू दु । अन चककं सुक् लानातःगु । अबलय् व दबुलिङ जिमि नापं भाषा जवाः फते बहादुर सिंह, भाषा निभाः प्रेम बहादुर कसाः नं दु । पूर्ण दाइ नं उबलय् गद्य कविता ब्वनाः न्यक्कुगु । फते बहादुर व प्रेम दाइ नं साःप तारिफ यात ।

पूर्ण दाइयात गद्य कवि कथं जक नालाकायगु चलन दु, तर पूर्ण प्रेम दाइया संगत लानाः खःला मस्यु आधुनिक निबन्धय् च्वयगुलिङ ल्हाः जाः । तर च्वखँय् श्रेष्ठ सिरपाः काय् धुंक्सां थौतक नं पूर्ण दाइया च्वखँ सफू पिहां मवःगुलिं छुं छुं न्ह्यसः थनाच्चं ।

न्हू कविता, छन्द मुक्त गद्य कविताया प्रादुर्भाव जूगु जिं स्वय् ला पासा पुष चित्रकारया सम्पादनय् पिदंगु

‘गाजलं दाःगु चा’ सफू खः ला धकाः मतिङ वः । अय्सां ‘सरासू’ त्वय्जीक पूर्ण दाइया गद्य कवितात प्रेम बहादुर कसाःया सम्पादनय् पिदंगु ‘सितुं’ हे धाय्माः । भाषानिभाः प्रेम दाइयात न्हगु गद्य कविता अपाय्च्चः लःलः मधाःसां कवय् जुइगु स्वभाव मदु । थ्व भावनां हे प्रेम दाइया गद्य कविता च्वईपिं न्हू न्हू कविपिं ब्वलंकेगुलिङ देन जू वन । पूर्ण वैद्य, बुद्ध साय्मि, आनन्द जोशी, योगन्द्र प्रधान व सुन्दर सर्वहारा आदिपिं ब्वलन ।

यक्वसिनं न्हू कविताय् पूर्ण वैद्य दकलय् च्वय् लाः धाइ । जितः नं थथे हे मतिङ वं । तर छम्ह निम्ह न्हू कविता च्वईपिं कविपिनि बिचाः पाः । ‘सरासू’ यात श्रेष्ठ सिरपाः लाःबलय् ला बादबिबाद हे पिहांवल । रत्नध्वज जोशी, माधवलाल कर्माचार्य, मोहन हिमांशु थापापिनि तारिफया कमेन्ट च्वसु नं पिदन सा स्व. गिरिजा प्रसाद जोशीया ‘हेल्चा’ खण्ड काव्य श्रेष्ठ सिरपाः त्याकेमफूगु खँय् न्ह्यसःलिसः च्वसु हे पिदन ।

पूर्ण वैद्ययागु कवितात ‘आसमां दाजु’ इ थें प्रतीकत सर्वसाधारण नाला काय् अःपु । अय्सां उबलय् छम्ह निम्ह आधुनिक कविपिं समाचोलकिपिलिसे वादविवाद यानाः नं थःगु कविताया बारे समालोचना च्वकूगु जिं स्यू । लिपा ‘लः लः खः’ कविता सफू पिदंबलय्निसें अथे विवादय् वय्गु तन ला धयार्थे च्वं ।



‘सरासू’ यात श्रेष्ठ सिरपाः लाःबलय् ला बादबिबाद हे पिहांवल । रत्नध्वज जोशी, माधवलाल कर्माचार्य, मोहन हिमांशु थापापिनि तारिफया कमेन्ट च्वसु नं पिदन सा स्व. गिरिजा प्रसाद जोशीया ‘हेल्चा’ खण्ड काव्य श्रेष्ठ सिरपाः त्याकेमफूगु खँय् न्ह्यसःलिसः च्वसु हे पिदन ।

पूर्ण वैद्य थें जाःम्ह नेपालभाषाया कवितात छुं हे म्वाय्क अथें मन्त धाय् जितः ला लः लः मधाः । अय्सां पूर्ण वैद्ययात भीसं आः गन माः वनेगु ? फेसबुकय् न्हापां सुचं वःबलय् जितः ला मोबाइल हे तख्याय् मास्तेवल । जिं च्यान्हु भिन्हु ला अजाःगु हसना वइगु मोबाइल फोन हे मचाय्का । अय्सां हसनां लाय् लाय् बुबुं हाय्काच्चबलय् न्हापां पूर्ण दाइया मोबाइलय् फोन याना । पूर्ण दाइया तिरि (कलाः) मय्जु मीरा शाक्यफोन ल्हवनादिल । गनं पिहां मवनीम्ह वय्कः स्वन्हु प्यन्हु खि फाय् मफूगु ल्वय् जुयाः सिभिल अस्पताल यंकूगु जुयाच्चन । भचा भचा सें सें वःगुलिं अन पिसिआर टेस्ट नि यात व उकिया लिच्चः कोरोना पोजेटिभ क्यन हं । अर्नालि निदान अस्पतालय् यंकूगु जुयाच्चन । कोरोनाया भेरिएन्ट गुगु खः ? डेल्टा जूसा याकनं याकनं पुनी धाःगु न्यना । तर प्रष्ट मजू ।

थ्व कोरोना धाःम्ह गन दु ? वया पसः गन दु ? वया ससः गन ? वया गःपः छाय् म्वय्हिहले मफुत । जितः अजू चाया वः । आः ला जितः घःदी धाःपिं घच्चायावल । जन्माःघवं छकः मन्तय्सां म्वाःसां म्वाःसां दुःख सिल धकाः ख्वबि हाय्कूम्ह करुणामयं थौं पूर्ण वैद्य थें जाःम्ह कवि मदुगुया ख्वबि छाय् हाय्के मफूगु ? लाःसा गनं गनं वः जुइक, पूर्ण वैद्ययात कोरोनां पुन धकाः बिचाःसचाः क्यनेमफुम्ह करुणामयया ख्वबि दुसुनावंगु खःला ?

दुनुगालंनिसैं बिचाः हायेका



मदुम्ह पूर्ण वैद्य

बुदिं : ने.सं. १०६०

मदुगु दिं : ने.सं. ११४१

जिमि अतिकं हनेबहःम्ह

शान्त, सौम्य, गम्भीर व भलादमी व्यक्तित्वयाम्ह

आधुनिक कवि पूर्ण वैद्य

८१ दैय् आकाभाकां त्वःतावंगुलिं

जिपिं आक्सं कुतुंवःथें जुयागु दु ।

‘जि छगू अभिव्यक्ति युगया’ वय्कःया निबन्ध सफूया

चर्चाया ज्याइवः यायेगु मनंतुना च्वच्चं त्वःतावंगुलिं

थ्व ज्या लिपासां पूर्वकेगु मनंतुना प्वंका ।

मदुम्ह वय्कः सुखावती भुवनस बास लायेमा,

छँजःपिसं धैर्यधारण याये फयेमा धकाः बिचाः हायेकाच्चना ।

शाक्य सुरेन

कजि

लिबि च्वसा दबू यल



राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।

मरुसतः पुनर्निर्माणया ज्या लिपांगु चरणय् थ्यन



यैँ महानगरपालिका प्रमुख विद्यासुन्दर शाक्य मरुसतः (काष्ठमण्डप)पुनर्निर्माणया ज्या लिपांगु चरणय् थ्यंगु धयादीगु दु । काष्ठमण्डप परिसरय् हे 'न्यकू बाजा र

गुंला' सफूया विमोचन यासैं मरुसतःया पुनर्निर्माणया ज्या ९५ प्रतिशत ज्या क्वचाःगु धयादिल । आः मरुसतःया पलिन चीगु ज्या जुयाच्चंगु जानकारी ब्युसैं शाक्यं

बागमति प्रदेश सांसद राजेश शाक्य व वय्कःया टीमयात सुभाय् नं देछानादिल ।

मरुसतः पुनर्निर्माणया ज्या यैं महानगरपालिकाया आर्थिक ग्वाहालिं प्रदेश सांसद राजेश शाक्यया नेतृत्वय् जुयाच्चंगु दु । पुर्खा न्यंकावंगु इतिहास लिपिबद्ध मजबूलय् विदेशी सफूया बः काय्माःगु धासैं शाक्यं दुःख प्वंकादिल । थनया फोटो काय्मज्यू धाःगु हे संस्कृति, सम्पदाको फोटोलिसैं कनेमज्यू धाःगु खैंत दक्वं विदेशी सफुतिइ ब्वनेमालाच्चंगु धासैं वय्कलं असन्तुष्टि प्वंकादिल ।

सबलबहाःया नासःद्यः जिर्णोद्धार सम्पन्न



सबलबहाःया २१४ दैं पुलांगु नासःद्यःया जिर्णोद्धार क्वचाःगु दु । वंगु शनिबाः यैं महानगरपालिकाया मेयर विद्यासुन्दर शाक्यं जिर्णोद्धार क्वचाःगु नासः द्यःया उलेज्या यानादिल । नासःद्यःया उलेज्या लिपा न्ववासैं मेयर शाक्यं सम्पदा संरक्षण व पुर्ननिर्माणया अभियानय् यैं महानगरपालिका निरन्तर न्ह्यानाच्चवानागु धयादिल ।

वय्कलं २०७२ सालया भुखाचं ध्वस्त जुगु मरुसतः, देगः, चिबाःलिसैं यक्व सम्पदा पुनर्निर्माण याय्गु ज्यायात अभियानया रुपय् न्ह्याकाच्चवानागु वय्कलं धयादिल । ज्याइवलय् बागमती प्रदेशया आन्तरिक मामिला तथा कानून मन्त्री डाक्टर अजयक्रान्ति शाक्य, पूर्वमन्त्री कृष्णगोपाल श्रेष्ठ न थःथःगु नुगःखैं तयादीगु खः ।

शाक्यतय् इतिहास सफू पिदन

ख्वप दरवार क्षेत्रय् दुगु लुँध्वाखा दय्कूपिं 'निवा' शाक्यतय् इतिहास कःधानाः च्यातःगु 'ख्वपया 'निवा' शाक्यतय्गु ईतिहास' नांया सफू बिमोचन याःगु दु । ख्वपया प्यसः दैंया इतिहास कःधानातःगु सफू प्राध्यापक सूर्य शाक्यं बिमोचन यानादीगु खः । ख्वपया खौमायाम्ह आरती गुठी निवा संघया नायः संघरत्न शाक्यं सफू च्यादीगु खः ।

सफूया च्वमि शाक्यं सफुतिइ ख्वपया नांजाःगु लुँध्वाखा, डातापोलाया गजुलिसैं थीथी मुर्ति दय्केत ख्वपया निवा शाक्यतय् भूमिका व योगदानया विषयस थीथी प्रमाणया लिधंसा सफुतिइ दुथयकागु धयादिल । ज्याइवलय् त्रिरत्न शाक्य, प्रा. सिद्धिरत्न शाक्य, साहित्यकार तिलक प्रकाश कायस्थ, वौद्ध विद्वान रत्नसुन्दर शाक्यलिसैं न सफुया चर्चा यानादीगु खः ।

‘सम्पदा निर्माण व पुनर्निर्माणया ज्या याउँक जुयाच्चंगु दु’

यैँ महानगरपालिका वडा १२ स्थित वन्दे फल्चाया यैं महानगर मेयर विद्यासुन्दर शाक्यं शिलान्यास यानादीगु दु । मेयर शाक्यलिसैं उपमेयर हरिप्रभा खड्गी श्रेष्ठ व वडाध्यक्ष विकास डंगोल फल्चा निर्माणया निति भूमिपूजन यानादीगु खः । शिलान्यास लिपा संचारकर्मीतलिसे खैं ल्हासैं मेयर शाक्यं महानगरया माग जुगु व विवाद मजगु थासय् सम्पदा निर्माण व पुनर्निर्माणया



ज्या याउँक जुयाच्चंगु दुगु धयादिल । ज्याइवलय् उपमेयर हरिप्रभा खड्गी श्रेष्ठ यैंया पहिचान हे सम्पदा क्षेत्र जूगुलिं थुकी लगानी यायूत ग्याय्म्वाःगु धयादिल । फल्चा २७ फिट ४ इन्च लम्बाई, ६ फिट ४ इन्च चौडाई व १४ फिट उचाइया दु । भ्याटनापं १८ लाख ७५ हजार तकां दय्कीगु फल्चाया निर्माण निलाया दुने सम्पन्न याय्गु लक्ष्य दु ।

संसद अधिवेशन ...

समाधान आयोग अध्यक्ष देवी प्रसाद ज्ञवाली व दुजः मञ्जली शाक्यं बज्राचार्य धयादिल । सदस्य शाक्यं आयोग हे याय्गु खःसा नियमावली संशोधन यायूत मन्त्रालययात पत्राचार याय्धुनागु धयादिल । पुर्ख्यौली जग्गा दर्ता यानाः किसानयात लालपूर्जा वितरण यायूत सरकारं थीथी इलय् बिस्कं बिस्कं १५ जग्गा दर्ता समिति गठन याय्धुंकूगु दु । गुगुं जिल्लाया प्रमुख मालपोत अधिकृत सा गनं प्रमुख जिल्ला अधिकारीया अध्यक्षताय् समिति दु । थज्याःगु समिति

०७२य् कास्की, नवलपरासी, ०७५य् भ्रपा, पाल्पा, तनहुँ, सुर्खेत, रुपन्देही व ०७६य् अछाम, महोत्तरी, यैंया किपू नगरपालिकाय् लिसैं दु । आयोगया तथ्यांक कथं आयोग धाःसा २०४७य् आवास अले भौतिक योजनामन्त्रीया अध्यक्षताय् २०५२, ०५३, २०५५य् तत्कालिन श्री ५ या सरकारया निर्णय कथं गठन जुल । गणतन्त्र वय्धुंकाः २०६६, ०६८, ०७१, ०७३ व २०७६य् यानाः बिस्कं बिस्कं ९ आयोग गठन जुइधुंकूगु तथ्यांक दु । दक्वं समिति व आयोग विघटन जुइधुंकूगु दु । २०७६य् गठित आयोग नं विघटनया प्रकृयाय् दु । ०७६य् गठित आयोगया ०७८

असार मसान्ततक्क २१ करोड २७ लाख खर्च जुइधुंकूगु दु । आयोग अर्न्तगत ७७ जिल्ला समिति दु । तर, लालपूर्जा वितरण ला तापाःगु खैं जुल, तथ्यांक संकलन अले प्रमाणीकरण तर्क याय्मफुत ।

ललितपुर महानगरया उपमेयर गीता सत्याल एजेन्डाय् दुगु दाबी यानादिल । भूमि सम्बन्धि समस्या समाधान आयोग यैं जिल्ला समिति अध्यक्ष रामशरण ढुंगानां किपूया ३११ फाइलया ज्या जुयाच्चंगु धयादिल । भरतपुर महानगरया प्रवक्ता अरुण पीडित भण्डारी २९गुलिं वडाय् लगत मुनाः प्रमाणीकरणया ज्या जुयाच्चंगु धयादिल ।



स्थानीय सरकार अले सहरया अन्तरराष्ट्रिय सञ्जालया एशिया प्यासिफिकया अधिकारीतय् दथुइ अन्तरदेशीय सहकार्यय् यैं महानगरया खँल्हाबल्हाया इवलय् ।

क्षेत्रपाटी उपभोक्ता समितिं सरसफाइ यात



क्षेत्रपाटी उपभोक्ता विकास समितिया ग्वसालय् १७ वडा दुने सरसफाइ ज्याइवः जूगु दु । सरसफाइ ज्याइवः लिपा यैं महानगरपालिका १७ वडाया अध्यक्ष नबिन मानन्धरं समितिया न्हू दुजःतयूत दुजः पौ

लःल्हानाकि । ज्याइवलय् वडाध्यक्ष मानन्धरं थःगु त्वालय् थथे यत्तुपिचु याय्गु सकसिगु दायित्व खःगु धयादिल । समितिया अध्यक्ष राजु मालीं सभाध्यक्षता यानादीगु खः ।

भाषासम्बन्धी ...

भाषा रुपय् प्रयोग यायूत सिफारिस याःगु खः । उगु प्रदेशय् नेपाली भाषा न्ववाइपिं ४३ दशमलव ०७, मैथिली ११ दशमलव १९ व लिम्बू भाषा ७ दशमलव ३१ प्रतिशत जनसंख्या दु । अथेहे प्रदेश २ लय् मैथिली, भोजपुरी व बज्जिका भाषायात सरकारी कामकाजया भाषा रुपय् प्रचलन यायूत सिफारिस जूगु आयोगं जानकारी ब्यूगु दु । उगु प्रदेशय् मैथिली न्ववाइपिं ४५ दशमलव ३०, भोजपुरी न्ववाइपिं १८ दशमलव ५८, बज्जिका १४ दशमलव ६५ व नेपाली भाषा न्ववाइपिं ६ दशमलव ६७ प्रतिशत दु ।

बागमती प्रदेशय् १८ दशमलव ३२ प्रतिशत तामाङ व १२ दशमलव ३० प्रतिशत न्ववाइगु नेपालभाषायात कामकाजया भाषा रुपं सिफारिस याःगु दु । थुगु प्रदेशय् नेपाली भाषा न्ववाइपिं ५७ दशमलव ४२ प्रतिशत दु । अथेहे गण्डकी प्रदेशय् ९ दशमलव ०३ प्रतिशत न्ववाइगु मगर भाषा, ७ दशमलव ८५ प्रतिशत न्ववाइगु गुरुङ, ७ दशमलव ०७ प्रतिशत न्ववाइगु भोजपुरी भाषा सिफारिसय् लाःगु दु । थुगु प्रदेशय् ६७ दशमलव ८८ प्रतिशत नेपाली भाषा न्ववाइपिं दु । लुम्बिनी प्रदेशया लागिं १३ दशमलव १५ प्रतिशत न्ववाइगु थारु व ११ दशमलव ५२ प्रतिशत न्ववाइगु अवधी भाषा सिफारिस याःगु दु । थुगु प्रदेशय् नेपाली भाषा न्ववाइपिं ५४ दशमलव ७० प्रतिशत दु । कर्णाली प्रदेशय् नेपालीबाहेक छगू जक राष्ट्रभाषा दु । थन मगर भाषायात सिफारिस याःगु दु । थन मगर भाषा न्ववाइपिं २ दशमलव २६ प्रतिशत दुसा नेपाली भाषा न्ववाइपिं ९५ दशमलव १४ प्रतिशत दु । सुदूरपश्चिम प्रदेशय् ३० दशमलव ४५ प्रतिशत

न्वाइगु डोट्याली व १७ दशमलव ०१ प्रतिशत न्ववाइगु थारु भाषायात सरकारी कामकाजया भाषा रुपं विकास यायूत सुभाब ब्यूगु दु । थुगु प्रदेशय् नेपाली भाषा न्ववाइपिं ३० दशमलव १८ प्रतिशत दु । आयोगं स्थानीय तहर्न तोके याःगु आधारय् सरकारी कामकाजया भाषाया रुपं कार्यान्वयन याय्फइगु उल्लेख यासे थुकर्थंया सिफारीस यानागु अध्यक्ष डा.अवस्थी धयादिल ।

सिफारिससहितया प्रतिवेदन तयार यायूत विज्ञ वैरागी काइँला, डा. जगमान गुरुङ, प्रा. हृदयरत्न बज्राचार्य, प्रा. अम्बरराज जोशी, प्रा. योगेन्द्रप्रसाद यादव, प्रा. चूडामणि बन्धु, प्रा. तेजरत्न कंसाकार, प्रा. माधवप्रसाद पोखरेल, प्रा. नोवर्लाकिशोर राई, प्रा. जीवेन्द्रदेव गिरी, प्रा. दानराज रेग्मी, प्रा. दुविनन्द ढकाल, डा. बलराम प्रसाई व डा. रुद्रलक्ष्मी श्रेष्ठ दुथ्याःगु सल्लाहकार पुचः दय्कूगु खः । थुकिया नाप उच्चस्तरीय प्रदेशगत प्रतिवेदन मस्यौदा समिति नं गठन याःगु खः ।

आयोगया अध्ययनर् पहिचान जूगु थप च्यागू नापं १३१ भाषा नेपालय् न्ववानाच्चंगु दुसा १० हजार स्वयां म्ह्वः मनूतय्सं न्ववानाच्चंगु भाषा ७४गू दु । कम न्ववाइगुमध्ये मौखिक परम्पराया आधारित व यक्क कम न्ववाइगु दुरा, कुसुन्डा, तितुङ, बराम व लुर्ति म थे जाःगु भाषा लोपोन्मुख अवस्थाय् दु धकाः उल्लेख याःगु दु । नेपालय् जनगणना, २०६८ इ नेपालय् न्ववाइगु भाषा १२३ दुगु व नेपाली भाषायात मातृभाषा कथं न्ववाइपिं ४४ दशमलव ६४ प्रतिशत व निगूगु भाषाया रुपय् न्ववाइपिं ३२ दशमलव २८ प्रतिशत दु धकाः क्यंगु दु ।

नवयुग मा. वि.या कम्प्युटर ल्याब शुभारम्भ



नवयुग माध्यमिक विद्यालयया कम्प्युटर ल्याब सञ्चालनय् हःगु दु । यँ महानगर प्रमुख विद्यासुन्दर शाक्य विद्यालय व्यवस्थापन समितिया

अध्यक्ष कुलभक्त शाक्ययात डेक्सटप कम्प्युटर व प्रधानाध्यापक चुडामणि शर्मायात ल्यापटप लःल्हासें ल्याबया शुभारम्भ यानादीगु खः । उगु इलय् मेयर शाक्य सामुदायिक शिक्षाया स्तर थाकयत महानगरय् माग जूकथं लगानी यानागु धयादिल । आः सामुदायिक विद्यालय समीक्षा याय्माःगु व थःपिं संस्थागत विद्यालयलिसे प्रतिस्पर्धाय् वनेमाःगु मेयर शाक्यया धापू खः ।

छत्रपाटी अस्पतालया 'माउ बद्रि भवन'या शिलान्यास

छत्रपाटी निःशुल्क चिकित्सालय अस्पतालया न्हूगु भवनया शिलान्यास जूगु दु । वंगु बिहिबाः यँ महानगर प्रमुख विद्यासुन्दर शाक्य अस्पतालया न्हूगु भवन 'माउ बद्रि भवन' या शिलान्यास यानादिल ।

शिलान्यास धुंकाः थःगु नुगः खँ तसें महानगर प्रमुख शाक्य इलय् हे स्तरीय ज्या याय्त इनाप यासें धेबाया चिन्ता मकाय्त धयादिल । अथे हे, महानगर उपप्रमुख खड्गी श्रेष्ठ दक्कं अधिकारमध्ये नं नागरिकयात स्वास्थ्य सम्बन्धी अधिकारया प्रत्याभूति याकेत थःपिंसं कुतः यानाच्चनागु धयादिल । वडा १७ या वडाध्यक्ष मानन्धर ०७२ सालया भुखाय्, ०७५ य् डेगु व आः विश्व महामारी जुयाच्चंगु कोभिड संक्रमणया इलय् चिकित्सालय स्वास्थ्योपचारय् ब्यूगु योगदानयात



चव्छानादिल । अस्पतालया नायः डा. मनोजमान श्रेष्ठ मेगु वालनिसें न्हि सच्छि सिलिण्डर अक्सिजन उत्पादन क्षमताया प्लान्ट स्थापना याय्त्यनागु जानकारी बियादिल ।

अस्पताल निर्माणया न्हापांगु चरणय् १२ करोड तकाया लागतय्

भूमिगत १ तलालिसें ७ तलाया भवनया स्ट्रक्चर तयार याइ । उकिया नितीं यँ महानगरपालिका न्हापा हे २ करोड ५० लाख तका उपलब्ध याकेधुंकूगु दु । आः थप २ करोड ५० लाख तकालिसें महानगर ५ करोड तका बीगु धाःगु दु ।

कोभिड-१९ विरुद्धको खोप सरकारले निःशुल्क लगाइरहेको छ ।

अबैध रुपमा खोप बेच्ने र किनेर लगाउने दुवैलाई प्रचलित कानून बमोजिम कडा कारवाही हुनेछ ।

कोरोना विरुद्धको खोप बेचबिखन भएको थाहा पाउने जो कोहीले स्थानीय प्रशासन, प्रहरी कार्यालय, पालिका वा स्वास्थ्य कार्यालयमा यथार्थ जानकारी गराउनु हुन अनुरोध छ ।

खान्सा छुट्टिने बेल सन्ध्या सयत उपचार हुन सक्छ ।

कोभिड-१९ खोप

नेपाल सरकार विज्ञापन बोर्ड

सर्वोदय नेपालको जरूरी सूचना

यही भाद्र २२ गते, बुधवारको भर्चुअल जूम बैठकले निर्णय गरे अनुसार यस संस्थाको वार्षिक अधिवेशन बौद्ध जनविहार, सुनागुथि, ललितपुरमा २०७८ असोज १५ गते हुने निर्णय अनुसार २०७८ भाद्र २५ गतेदेखि २०७८ असोज ८ गतेभित्र अनिवार्यरूपमा यही सूचनालाई आधिकारीक मानी सदस्य नवीकरण गर्नुहुन हार्दिक अनुरोध छ ।

कार्यालय : बौद्ध जनविहार, सुनागुथि, ललितपुर
सम्पर्क : ९८४१३५४८६७, ९८४१४५७९४४, ९८४१८६४९५०

सर्वोदय नेपाल

हलिं नेवाः दबू, नेपाः देय् मूकवःया हथाय्गु सुचं

हलिं नेवाः दबू, नेपाः देय् मूकवः (World Newah organization, Nepal Chapter) संस्थाया स्थापनाकालिनेसेया प्यक्वःगु तःमुँज्या व दर्ता धुंकाःया न्हापांगु तःमुँज्या ने.सं. ११४१ यंलागाः एकादशी (२०७८ असोज १६ गते) शनिवाः नेपाः ब्याक्वेट, खुसिबुँइ जुइगु जुयाः २०७८ भाद्र २८ गतेनिसें असोज ७ गते दुने दुजःपिसं अनिवार्य न्हूधाः (नविकरण) यानाः ग्वहालि यानादीत इनाप दु ।

सम्पर्क ज्याकु : नेवाः देय् दबूया ज्याकुथि, तपित्तौ
स्वापू : ९८४१३५४८६७, ९८५१०९९४७२, ९८५१०७५७०४, ०९४२६७६०५

**हलिं नेवाः दबू
नेपाः देय् मूकवः**

काठमाडौं महानगरपालिकाको निःशुल्क एम्बुलेन्स सेवा

अस्पताल जानको लागि निःशुल्क एम्बुलेन्स सेवाका लागि सम्पर्क गर्नुहोस्

कोभिड विरामीका लागि : १०२
नन कोभिड विरामीका लागि : ११८०
मा कल गर्नुहोस् ।

काठमाडौं महानगरपालिका
हरिभवन, सुन्धारा, काठमाडौं ।

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

उपलब्ध सेवा

२४ सै घण्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

शल्यक्रिया

- मोतिबिन्दु
- जनरल सर्जरी
- न्हाय्पं, न्हाय्, जापः
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु लवय्
- प्वाःया लवय्
- युरोलोजी
- मिसा लवय्
- मवा लवय्
- वाया लवय्
- मिसा लवय्

अन्य सेवा

- ड्रेसिङ्ग
- ईण्डोस्कोपी
- कोलोनुस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला

**२४ घण्टा
ईमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९१९, ४२६६२२९, E-mail: cfclinic@mail.com.np, www.free-clinic.org.np